

la Signoria domente l'è stato di qua, se non una ch'el promise al provedador di Crema partendosi venir di longo a Venecia e non è venuto, che l'ha fato per bon rispetto; la seconda che sempre è bon servitor nostro; et la terza che alcuni sui homeni d'arme, quali veriano da lui, pregava li fosse dà licentia. *Unde* el Principe li rispose che non achadeva dir molte pàrole, perch'el suo signor Renzo non havia auto raxon haverne lassato a questo tempo, havendo li capitoli l'havea con la Signoria nostra; et ch'el poteva ben pensar quello l'era quando el vene da prima da nui, quello l'è stato con nui et quello l'è adesso; et quanto a li sò homeni d'arme, nui non li tenivamo per forza, et quelli ha voluto andar via è andati. Et cussi fo licentiato, dicendo l'ha fato mal a partirse da nui.

Et Colegio stete, zoè i Savi, fino passà nona, et sonava la campana di Consejo quando loro andavano a disnar.

Da poi disnar fo Gran Consejo, vi fu portato il Principe su la sua chariega. Et prima fo balotato le voxe dil Consejo passado di la zonta, et rimase tre fradeli in tre officii, cossa assa' notanda, zoè prima a sier Lunardo Malipiero di sier Sebastian, a l'arzeno in Rialto sier Zuan Maria Malipiero di sier Sebastian, ai panni a oro sier Hironimo Malipiero di sier Sebastiano, e tutti con sconto; sichè ne ho voluto far nota. Et poi balotato le voxe di ozi, et fo trovato in tutto ducati 7600, et queste voxe di danari noterò.

Baylo et capitano a Corphù.

- † Sier Alvise di Garzoni fo consier, qu. sier Marin procurator 1007. 316
- Sier Francesco Donado el cavalier fo avogador, qu. sier Alvise 620. 683
- Sier Benedetto di Prioli è di Pregadi, qu. sier Francesco 300.1015
- Sier Francesco Donado el cavalier, dopio

Uno dil Consejo di X, in luogo di sier Cristofal Moro è intrado savio dil Consejo.

- Sier Alvise di Prioli fo savio a terra ferma, qu. sier Piero procurator 546.761
- Sier Zuan Emo è di Pregadi, di sier Zorzi, qu. sier Zuane el cavalier 385.926

- Sier Zuan Miani fo provedador a le biave, qu. sier Giacomo 406.794
- † Sier Zulian Gradenigo fo capitano a Ravena, qu. sier Polo 872.446

Provedador a Zante.

- Sier Francesco di Prioli fo capitano a Zara, qu. sier Marco 413.815
- † Sier Polo Valaresso fo di la zonta, qu. sier Gabriel 525.719
- Sier Francesco Contarini fo di Pregadi, qu. sier Alvise 671.583
- Sier Zusto Guoro fo di Pregadi, qu. sier Pandolfo 770.460

Un Consier a Corphù.

- † Sier Sebastian Pixani, qu. sier Francesco *dal Banco* 894.442
- Sier Nicolò Magno fo al dazio dil vin, qu. sier Matio 527.796

Uno zudeze di petition.

- Sier Domenego Trun fo sopra gastaldo, qu. sier Andrea 595.703
- Sier Hironimo di Renier fo cao di XL, qu. sier Gasparo 649.681
- Sier Francesco da Molin fo XL zivil, qu. sier Bernardin 588.714
- † Sier Marco Zen fo XL zivil, qu. sier Bacalarario el cavalier 763.540

Official ai X ofiej.

Rimase sier Nicolò Mozenigo senza oferir, e cussi Avochato grandò et a la Becharia, qual qui non noterò.

Et è da saper una cossa notanda: ch'el piezo di sier Alvise di Garzoni a Corfù fo notà sier Francesco di Prioli fo capitano a Zara qu. sier Marco, che a li piezi non si suol notar li titoli che lianno, *adeo*, stridato, tutto il Consejo si messe a rider.

Questi oferseno ozi a Gran Consejo.

- Sier Francesco Donado el cavalier, si andò a oferir prestar ducati 1500